



# Synfocity = 730

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

April 25, 2019

## □ **Stakeholders Interactive Meeting**

April 23, 2019 (Thawhlehi) chawhma dar 10:00 khan Synod Social Front buatsaihin Stakeholders Interactive Meeting, Synod Conference Centre-ah neih a ni a, meeting-ah hian pawl hrang hrang 20 aṅangin aiawh tel tura sawm an ni a, mi 26 an tel thei a ni.

Meeting hi Rev.K. Lalrinmawia, Executive Secretary i/c Synod Social Front-in kaihruiin hunserh a hmang a, hemi hnu hian mi sawmte inhmelhriattirna (self introduction) neih a ni. Pu R. Lalnuntluanga, Synod Social Front Coordinator-in Synod hma lak tum dan a sawi hawng a, chumi zawhah Synod hma lak tum dan tihhlawhtlin theih dan tur leh Pawl hrang hrangte kan thawh ho theih dan tur leh hma lak dan turte tih hmangin sawihona hun ṭha tak neih a ni.

Upa C. Chawngthantluanga, Synod Social Front Executive Committee member-in lawmthu a sawi a, Upa Dr. B. Lalrinsanga, Synod Social Front Executive Committee member-in ṭawngṭaiin meeting a khar.

He inrawnkhawmna hi kum 2017 Synod-in HIV/AIDS do kawnga chak zawka hmalak rawtna a neih Synod Executive Committee (SEC) bawhzui tura dah hmalak chhohna niin a tihhlawhtlin theih dan tur leh pawl hrang hrangte thawhho theih dan tur leh hma lak dan turte sawiho a ni.

## □ **Presbyterian Bible School Graduation Day**

April 23, 2019 (Thawhlehi) chawhnu dar 1 khan Presbyterian Bible School chuan Batch 45-na pualin Farewell and Dedication Programme Pi Zaii Hall, Synod Conference Centre-ah an hmang.

Programme hi Rev. K. Lalrinmawia, Executive Secretary i/c PBS in a kaihrui a, Bible chhiar leh ṭawngṭaina te a hman zawhin Rev. Dr. P.B. Lalmalsawma, PBS Zirtirtu-in inlawmna leh inhmelhriattirna hun a hmang a. PBS Principal Rev. Lalneihvura'n report a pe. Mizoram Synod Secretary (Jr.) Rev. Vanlalrova Khiangte-in zirchhuakte hnenah certificate a hlan a, Nl. Lalruatdiki, Mission Vengin Pathian fakna hla a sa bawk.

Rev. K. Lalrinmawia'n zirlaite hlanna neiin thuchah a sawi a, zirlai exam-a tiṭha te leh class kal kimte hnenah Mizoram Synod Statistician Upa C. Lalbiakthanga'n lawmman a hlan a, Pu C. Awithanga Award dawngtu hnenah Pu C. Awithanga chhungte ngeiin an hlan. Upa Zoliana Royte, PBS Board Member-in zirlaite a ṭawngṭaisak a. Zirlai aiawhin Lalremkima 'n thu a sawi a, Rev. H. Lalrinmawia, PBS Zirtirtuin lawmthu sawina hun a hmang a, Chairman-in malsawmnain programme a khar a ni.

PBS-ah hian a din tirh aṅangin tun thleng hian zirlai 2189 an awm tawh a, chung zinga 1853 ten ṭha takin an passed a. Tuna batch 45-naah hian zirlai 35 an awm a, 26 ten tha takin an pass a, exam lo 8 leh fail 1 an awm. Exam-a tiṭha zual pathumna thlengin lawmman Rs.1000/-, Rs.700/-, Rs.500/- leh Lawmpuina thuziak PBS Committee hminga hlan an ni a, chungte chu:-

- 1st - Zodinsangi D/o K. Rosangliana, Chaltlang Kohhran  
H. Lalrintluangi D/o H. Lalmalsawma, Hualngohmun Kohhran
- 2nd - Lalliankimi Chawngthu D/o C.R. Lalzarliana, Nursery Venglai Kohhran
- 3rd - Lalremkima S/o P.S. Thangchungnunga, Ramhlun Vengchung Kohhran

Batch 45-na zirlai zingah hian class kal kim mi 10 lai an awm a, an hnenah lawmman Rs. 500/- ṭheuh pek a ni.

Kum 2014 aṅangin zirlai zinga Christian Theology leh Church Administration & PCI Constitution Subject-a tiṭha ber hnenah Pu C. Awithanga Award hlan ṭhin a ni a, award hian pawisa fai Rs.1,000/- a keng tel a. Tun ṭumah hian Zodinsangi D/o K. Rosangliana, Chaltlang Kohhran chuan Christian Theology-ah 90% a hmu a, H. Lalrintluangi D/o H. Lalmalsawma, Hualngohmun Kohhran chuan Church Administration & PCI Constitution-ah 90% hmuin tiṭha ber nihna an hauh a ni.

Presbyterian Bible School aṅanga zir chhuak tam berte hi rawngbawlina ṭangkai takah an in hmang zui ṭhin a. Sunday School zirtirtu, Missionary, Social Worker hna thawkte an awm nual a. B.D. leh B.Miss. zawm pawh engemaw zat an awm tawh a ni. Synod Revival Speaker leh Team member tam zawkte hi Bible School aṅanga zir chhuak tawh an ni bawk.

□ ***Mizoram Synod Choir-te International Choral Festival, Wales 2019***

International Choral Festival Wales, 2019 chu April 20, 2019 khan intihsiakna neih a ni a. He intihsiakah hian ram hrang hrang 4 aṭangin Zaipawl thlan bik 7 an tel a, heng zingah hian Mizoram Synod Choir pawh an tel a ni.

Mizoram Synod Choir hi Open Category-ah pakhatna niin Silver Award (80 - 90pts) an dawng a, lawmman pawisa fai Pound 200.00 an dawng bawk. Mix category-ah hian Cordydd, Wales pakhatna an ni a, Gold Award (90 - 100 pts) dawngin lawmman pawisa fai £ 200 an dawng bawk. Category tina titha zual te tana inelna "Choir of Choirs" (Overall Champion) zawwna "Final-ah" Cordydd te hi pakhatna niin "Sir Karl Jenkins Trophy" leh pawisa £ 2,000.00 an dawng.

He intihsiak hi Category 3-ah then a ni a, Category tinah hian lawmman (Award) pakhat zel siam a ni. Mizoram Synod Choir te hi Wales rama Kohhran hrang hranga rawngbawlna neia an zin kual hnuah he intihsiaknaah hian tel ve an ni.

Category hrang hranga mark hmuh zat a zirin Gold, Silver leh Bronze Award siam a ni, hetiangin: Gold Award dawng turin points 90 - 100 hmuh a ngai a, Silver Award dawng turin 80 - 90 hmuh a ngai a, point 80 hnuailam hmu chinin Bronze Award an dawng thung.

Ruahman lawk ang chuan April 29, 2019 (Thawḥṭanni)-ah Aizawl an rawn thlang ang a, May 2, 2019 (Ningani)-ah Myanmar lamah rawngbawlna nei turin an chhuak leh nghal ang.

□ ***Bial Inkhawmpui***

April 26 - 28, 2019 chhung hian Mizoram Presbyterian Kohhran chuan Pastor Bial tinah Bial Inkhawmpui a hmang dawn a. April 26 (Zirtawpni) zanah Palai Lawmna & Report Inkhawm neih a ni ang a, April 27 (Inrinni) nilengin Rorel a ni ang a, zanah vantlang Pathian Biak inkhawm neih a ni ang. April 28 (Pathianni) Chawhma leh Zanah te vantlang Pathian Biak inkhawm neih a ni ang a. Chawhnu inkhawmah Lalpa Zanriah Sakramen ṭheh a ni ang a, zan inkhawmah Bial Chairman kalchhuak ten Valedictory Sermon an sawi ang. Pathian Biak Inkhawm hun hrang hrangah thupui sawi tura ruatten thuchah an sawi bawk ṭhin. Inkhawmpui hman dan tur leh programme kimchang chu Bial Nomination Committee-in an ngaihtuah ṭhin a. Bial Inkhawmpui hi April thla Pathianni vawi 4-na hmanga neih ṭhin a ni a, chutihualin engemaw rokhawlhna avanga hmang hma hret leh hmang tlai hret an awm bawk.

□ ***Synod Mission Board leh ram pawn chet velna chanchin tlangpui***

♦ Lunglei-a Synod Office Staff mi 13 te chuan Good Friday leh Easter Sunday hmanpuiin Sangau Pastor Bial-ah an kal a. Ningani zanah Sangau Kohhranah Sakramen neiin, Good Friday hi S. Lungpher leh Rawlbuk-ah hmangin Easter hi S. Vanlaiphai-ah hmang ang a ni.

♦ April 19, 2019 khan Hindi Service Committee kaihrainain Gospel team leh Synod dialogue team ten Good Friday pualin truck terminal leh Sairang-ah rawngbawlna an nei a, truck terminal-ah ringlo mi 50 leh guest 3 ten Pathian thuchah an ngaithla a. Tin, zan lamah Sairang-ah ringlo mi 36 ten Pathian thuchah an ngaithla leh bawk a ni. He hun hi Sairang Kohhran Pavalai Pawl leh Masihi Sangati member ten an ṭawiawm a ni.

♦ April 18, 2019 khan Lucknow Mission Field-a Unnao Pastor Bial thawktute chuan Good Friday denchhenin Mariampur Mission Hospital, Kanpur-ah a mamawh apiang te hman turin thisen an pe.

♦ April 18, 2019 khan Arunachal West-ah chhungkaw 1 (mi 3) in bapisma an chang a, an in a inthawina thil zawng zawngte la thla in kal hal ral vek a ni. Hemi ni vek hian ringlo mi 2 in bapisma an chang bawk.

♦ April 19 & 21, 2019 Good Friday leh Easter Sunday khan Arunachal North Field-ah puitling 4 in bapisma an chang.

♦ April 19, 2019 Good Friday khan Arunachal East Field-ah mi 3 in bapisma an chang.

♦ April 19, 2019 Good Friday Jharkhand Mission Field-ah mi 17 in bapisma an chang.

♦ April 20, 2019 khan Assam Mission field-ah Assamese tlangval pakhatin bapisma a chang.

♦ April 21, 2019 Easter Sundaykhan mi 2 in Jonai-ah bapisma an chang.

♦ April 21, 2019 Easter Sunday khan Arunachal West Field-ah mi 6 in bapisma an chang.

♦ April 21, 2019 Easter Sunday khan Delhi Kohhranin Sunrise Service chu Bialtu Pastor hova hmangin, vai leh ringlo yoga practice leh tei suau suau karah "Isua a tho ta" tia auvin hlim takin hun hmang. Tin, Easter Sunday ni vek khan Delhi West Branch Church chuan a vawi khat nan Sunrise Service an hmang bawk.

☐ **Synfo**

- ◆ Hruaina Eng channel pawh thum that niin LPS 123 Channel-ah leh Zonet 12 -ah te engtiklai pawhin thlir theih a ni.
- ◆ Hruaina Eng TV Programme Susamachar Prasaran programme Pathianni tlai dar 5 -ah Zonet Zawlbuk-ah leh LPS-1 - ah tihchhuah thin a ni a, thlirtuten min lo thlirsak vek turin kan sawm a che u.
- ◆ Synfo Recording Studio-ah Video leh Voice recording a tih theih a, kohhran hote hmanh duh kan awm chuan Synfo Coordinator hnenah dil theih a ni a, hei bakah hian Office Phone no. 2314648 ah pawh biak theih a ni e.

☐ **Synod Relief Fund**

Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.

S.No	Khua	Pek chhan	Chhungkaw zat	Chhawmdawlina pek zat
1.	Hnahlan Vengthlang	Damlo	2	Rs. 16,000/-
2.	Zemabawk North	Damlo	1	Rs. 8,000/-
3.	Vaivakawn Vengthlang	Damlo	1	Rs. 8,000/-
4.	Ramhlun East	Damlo	1	Rs. 8,000/-
5.	Tlangnuam West	Damlo	1	Rs. 8,000/-
6.	Bawngkawn Hmar Veng	Damlo	1	Rs. 8,000/-
7.	Ngur	Damlo	1	Rs. 8,000/-
			<b>TOTAL</b>	<b>Rs. 64,000/-</b>

☐ **Hruaina Eng FM Radio**

- ◆ **APRIL 26, 2019 (FM Zoawi Aizawl @ 7:30 p.m.):**

**Solo** : Zoramchhani - Khawngaih rawngbawl hna

**Thusawi** : Rev. Vanlalzuata - Khawvel mamawh

**Zaipawl** : Mizoram Synod Chior - Rawngbawltu inhlanna

**Kohhran Rawngbawlina chet velna thlirzauna**

- ◆ **APRIL 26, 2019 (FM Zoawi Lunglei @ 7:30 p.m.):**

**Solo** : Isak Malsawmtluanga - Khawngaihna rawngbawl hna

**Thusawi** : Rev. Vanlalzuata - Khawvel Mamawh

**Zaipawl** : Chanmari West Bial Zaipawl - Lal rawngbawltute

**Kohhran Rawngbawlina chet velna thlirzauna**

☐ **Hruaina Eng TV Programme**

**Susamachar Prasaran Programme**

- ◆ **APRIL 28, 2019 (Pathianni) 5:00 pm. :**

**Group/Choir/Solo** : Karbi Presbytery Choir - Nang ingthir et, **Group/Choir/Solo** : John Sharma - Shakti Ho Prabhu, **Testimony** : Mr. Dipu Patuari, **Group/Choir/Solo** : Champhai Vengthlang Pastor Bial - Hamara Kal, **Group/Choir/Solo** : Kristian Centre Zaipawl - Hawale

- ◆ **APRIL 28, 2019 (Tv Programme) @ 4:00 - 6:00, 8:00 - 9:00 p.m) :**

Sermon : Upa Rochungnunga - Khawngaihna, Weekly Round Up, Bihchianna - Grace Home

☐ **Moderator leh Executive Secretary-te Programme:**

**Rev. R. Lalhmingthanga : Moderator**

April 9 - 29, 2019 chhung hian International Choral Festival & Wales Kohhran tlawhin a kal.

April 30, 2019 ah OM an thu ang.

**Rev. Lianhmingthanga Sailo : Senior Executive Secretary**

April 22 - 29, 2019 chhung hian Delhi-ah Delhi Bial zirchiang tur leh Kolkatta-ah Leadership training neihpui turin a kal.

April 30, 2019 ah OM an thu ang.

**Rev. B. Sangthanga : Executive Secretary**

April 30, 2019 ah OM an thu ang.

April 4 & 5, 2019 ah Mamit-ah FG&CC hawna a nei ang a, Campaign-in hun a hmanh nghal ang.

**Rev. K. Lalrinmawia : Executive Secretary**

April 30, 2019 ah OM an thu ang.

May 1, 2019 ah Ramthar Board mmeting-ah a thu ang.

May 2, 2019 ah PES programme-in Mualpheng, Ruallung, Rulchawm, Keifang leh Saitual-ah te a kal ang.

May 5, 2019 ah Ramthar Veng Kohhranah hun a hmanh ang.